

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆԻ

«----» ----- 2022թ.

N --- -Ա

ՈՐՈՇՈՒՄ ԳՈՒՅՔ ՆՎԻՐԱԲԵՐԵԼՈՒ ՄԱՍԻՆ

Ղեկավարվելով ՀՀ քաղաքացիական օրենսգրքի 605-րդ հոդվածով՝

Երևան քաղաքի ավագանին որոշում է.

1. Երևան համայնքի սեփականություն համարվող սույն որոշման հավելվածում նշված երաժշտական գործիքները, ընդհանուր 7611.0 հազ. դրամ հաշվեկշռային արժեքով, նվիրաբերել Արցախի Հանրապետությանը՝ ի դեմս Արցախի Հանրապետության կրթության, գիտության, մշակույթի և սպորտի նախարարության, Արցախի Հանրապետության երաժշտական և արվեստի դպրոցներում օգտագործելու նպատակով:

2. Առաջարկել Երևանի քաղաքապետին՝ Արցախի Հանրապետության կրթության, գիտության, մշակույթի և սպորտի նախարարության հետ կնքել նվիրաբերության պայմանագիր:

ԵՐԵՎԱՆԻ ՔԱՂԱՔԱՊԵՏ

Հ. ՍԱՐԳՍՅԱՆ

Հավելված
Երևան քաղաքի ավագանու
« » ----- 2022թ. հ. –Ա որոշման

ՑԱՆԿ
Արցախի Հանրապետության կրթության, գիտության, մշակույթի և սպորտի
նախարարությանը նվիրաբերվող երաժշտական գործիքների

Հ/հ	Երաժշտական գործիքի անվանումը	քանակ	Ընդամենը հաշվեկշռային արժեք /հազ. դրամ/
1	Ջութակ 1/4	3	174.0
2	Ջութակ 2/4	4	232.0
3	Ջութակ 3/4	3	180.0
4	Թավջութակ 3/4	1	360.0
5	Կլարնետ	2	1130.0
6	Շեփոր	2	296.0
7	Քանոն	5	1120.0
8	Հարվածային գործիքների հավաքածու	2	1110.0
9	Սաքսոֆոն տենոր	1	410.0
10	Թառ	2	370.0
11	Սանթուր	2	600.0
12	Քամանչա	4	640.0
13	Դհոլ	10	580.0
14	Կիթառ	10	409.0
ԸՆԴԱՄԵՆԸ		51	7611.0

ՏԵՂԵԿԱՆՔ-ՀԻՄՆԱՎՈՐՈՒՄ

«ԳՈՒՅՔ ՆՎԻՐԱԲԵՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Որոշման ընդունումը պայմանավորված է Արցախի Հանրապետության մշակութային կազմակերպությունների, մասնավորապես՝ երաժշտական և արվեստի դպրոցների բնականոն գործունեության ապահովման, դպրոցների նյութատեխնիկական բազայի արդիականացման, Արցախի Հանրապետությունում գեղարվեստական կրթության որակի բարելավման, օժտված և տաղանդավոր, ինչպես նաև սոցիալապես անապահով արցախցի երեխաների համար արտադպրոցական ուսման նպաստավոր պայմանների ապահովման անհրաժեշտությունից ելնելով: Որոշման ընդունմամբ հնարավորություն կընձեռվի Երևան համայնքի սեփականությունը հանդիսացող, Երևան քաղաքի 2021 թվականի բյուջեի «Գույքի ձեռքբերում և նվիրատվություն Արցախի մշակութային կազմակերպություններին» ծրագրի շրջանակում ձեռք բերված 14 անուն 51 հատ երաժշտական գործիքները նվիրաբերել Արցախի Հանրապետության կրթության, գիտության, մշակույթի և սպորտի նախարարության մշակութային կրթության հաստատություններին, այդ թվում՝ Արցախյան պատերազմի հետևանքով ներկայում Ստեփանակերտ քաղաքում տեղակայված Հադրութ և Շուշի քաղաքների արտադպրոցական դաստիարակության հաստատություններին: Արցախի Հանրապետության երաժշտական և արվեստի 11 դպրոցներ է հաճախում շուրջ 2500 սովորող, և նվիրաբերվող գույքը էականորեն կբարելավի նշված հաստատություններում իրականացվող կրթադաստիարակչական գործընթացի որակը, կմեծացնի դրանց գրավչությունն ու կնպաստի Արցախի Հանրապետությունում մշակութային կրթության ոլորտի զարգացմանը:

Ելնելով վերոգրյալից՝ առաջարկվում է ընդունել «Գույք նվիրաբերելու մասին» Երևան քաղաքի ավագանու որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Հ. ՍԱՐԳՍՅԱՆ

ՏԵՂԵԿԱՆՔ

**«ԳՈՒՅՔ ՆՎԻՐԱԲԵՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ
ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

«Գույք նվիրաբերելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

Տ Ե Ղ Ե Կ Ա Ն Ք

**«ԳՈՒՅՔ ՆՎԻՐԱԲԵՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ
ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ
ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Գույք նվիրաբերելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Հ. ՍԱՐԳՍՅԱՆ